



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 70. Per quos defectus tenentes se potius ex parte animæ  
supervenientes solvantur sponsalia.

---

[urn:nbn:de:hbz:466:1-73973](#)

2. Resp. secundò: Quamvis idem censeant ex eadem ratione Galp. Hurtad. l. 2. de matrim. difficult. 17. n. 62. & alii quidam, quibus faveat Sanch. l. 1. d. 68. n. 7. pro exemplo adducens morbum Gallicum, & l. 6. d. 27. q. 2. loquens generaliter de impedimentis omnibus, dum impedimentum est tale, quod non tantum reddat nuptias minus commendas, sed positivè incommodas & damnosas; quia V. G. sunt paralyticus, lepra, morbus gallicus, aliquisque contagiosus, mores perditus absque animo corrugandi, infamia ex genere vel delicto, qua honestam familiam deturpare possit; cum hæc vel generationem impediunt, vel à sociali vita avertant & honestæ prolis educationi officiant. Rectius tamen id ipsum (nisi forte pars altera eodem defectu laboraret) negat Castrop. l. c. n. 5. & quos citat Turrian. 2. 2. d. 78. du. 2. Pont. cit. c. 18. num. 6. Côn. &c. è quòd tali defectu laborans non sit aptus usui matrimonii, ad quem expetitur, adeoque peccet contra iustitiam, non fecus ac vendens ligna putrida putant esse sana. Unde jam à fortiori sequitur, laborantem tali defectu non posse alteram partem illius incircum compellere ad contrahendum secum matrimonium. Idemque esse in casibus, in quibus tacito impedimento adhuc potest contrahere Sponsalia, eaque perficere, docet Pont. n. 7. censentque probabile Côn. & Sanch. LL. cit. è quòd revera à parte rei, etiam dum ei cognitus non est defectus, jus habeat damnum proprium evitandi & resiliendi, & si id faciat, non committat iustitiam, saltem materialem (etsi putet se eam committere, dum incognito sibi tali defectu, adeoque ex nulla causa rationali resilit, &) consequenter compelli nequeat ad matrimonium contrahendum. Contrarium tamen tenent, sive posse in his easibus compelli alteram partem, Castrop. n. 8. Sanch. l. 1. de Sponsal. d. 68. num. 8. Côninck cit. du. 12. concl. 4. & 5. è quòd defectus talis, sive antecedens, sive subsequens Sponsalia, eorum valorem non impedit, quo valore stante jus habet compellendi comparatem ad standum promissi, & ea, ne jus hoc sit inutile, tenetur obediens; & compars, posito illo defectu, jus non habeat virandi damnum & resiliendi, nisi media exceptione & defectus illius objectione; jam verò objicere illum, & propterea exigere nequit, quia cum ignorat, & pari modo Sponsalia contracta sub ea conditione: nisi quid eveniat, quod contractum hunc reddat difficulterem: non possint solvi quomodounque, sed solum per illius evenientis exceptionem & objectionem. Illud verò, quod in contrarium objicitur ex sententia probabili, occulte adulterum, adeoque etiam non objecto sibi adulterio, non posse à parte innocentia exigere debitum, negant à quæ probabilitate, & forte probabilitate. Castrop. num. 9. Sanch. cit. d. 68. num. 4. è quòd hæc pœna non petendit debitum non incurrat ante condemnationem Judicis, & antequam à compare clarè & ex indiciis non levibus objiciatur.

*Quæst. 69. Qualiter in specie dissolvantur Sponsalia ob supervenientem defectum corporis.*

1. R Esp. primò: Dissolvuntur etiam jurata ex parte illæsi ob supervenientem notabilem fæditatem, c. quemadmodum, de jurejur. ubi exprimitur, qualis deformitas sufficiat, nempe si unus ex Sponsis oculos, naris, aures auittat, vel aliud his turpius ei obveniat, &

liedt is textus videatur exigere utriusque oculi amissionem, utpote loquens in numero plurali, sufficere tamen amissionem unius oculi; cum hæc censeatur sufficiens & deformitas satis gravis mutatio rerum, affirmant Castrop. pag. 27. num. 1. Sanch. d. 27. num. 3. Pont. l. c. c. 17. num. 4. Côninck. d. 23. du. 8. n. 66. Ec. Quin etiam dum citra amissionem dictorum membrorum Sponsa tempore Sponsalia pulchritudine postmodum fieret notabiliter deformis, adhuc Sponsum posse resilire, censent Sanch. num. 4. Castrop. num. 5. Pont. num. 5. Côn. cit. num. 66. contra Covar. in 4. decret. p. 1. c. 5. num. 6. Gutt. de mat. c. 32. n. ult. cō quod cum res per hoc adhuc sint notabiliter mutatae, præsumi nequeat, priorem intentionem ad hunc casum extensem fuisse; quodque, dum Sponsa (idem est de Sponso, ut expressè Castrop. quamvis, ut Idem major hujus debet esse deformis, ut det sufficientem cauam resiliri, nempe quæ horrorem causet) post Sponsalia effecta notabiliter deformior, non possit amplius placere, aut etiam notabiliter displiceat, apta non sit tollere à Sponso occasionem forniciandi, alioque infelices eventus ex tali matrimonio timeri possint prudenter; adeoque jam etiam ratio sic decidendi in cit. texu c. quemadmodum; hanc deformitatem comprehendat, et si aliam non exprimat, quæ oritur ex defectu membrorum; aut quæ illa major est. Porro quænam sit notabilis deformitas sufficiens ad solvendum Sponsalia, decidendum est Judicis arbitrio; neque enim quilibet defectus pulchritudinis contendens est talis, sed ille tantum, qui quilibet hominem prudentem ejus generis & conditionis à matrimonio absterret. Castrop. num. 5.

2. Resp. secundò: Pari modo solvantur Sponsalia per supervenientem morbum incurabilem aut contagiosum, V. G. paralyticus, epilepsiam, lepram; qui morbi, cum reddant matrimonium difficulterem, nemo præsumi potest contrahendo Sponsalia, intendit contrahere cum tali matrimonium, Sanch. d. 57. num. 2. Gutt. c. 32. num. 3. Côninck. cit. du. 8. num. 67. & in specie morbum Gallicum, utpote contagiosum magnum causantem horrorem esse causam sufficientem resiliri, tradit cum Sanch. l. 1. d. 17. num. 2. Gutt. cit. num. 23. n. 3. Nav. c. 22. num. 27. Castrop. cit. p. 27. num. 3. quin & violentam hujus morbi suspicionem, etsi non plenè probetur esse ad hoc cauam sufficientem, tradunt Seraph. decis. 1113. num. 8. & 9. Riccius decis. 232. num. 4. Pont. l. c. apud Castrop. cit. num. 3. Item adhuc sufficit oris graveolentia, dum arte medici curari nequit: quia pro mutua cohabitatione vix sustineri potest, estque indicium cujusdam habituialis morbi interni molestissimi, juxta l. qui clarum §. fin. ff. de adilitio edit. ita Sanch. Pont. Gutt. Ponc. LL. cit. cum Castrop. cit. n. 3.

*Quæst. 70. Per quos defectus tenentes se potius ex parte animæ supervenientes solvantur Sponsalia.*

R Esp. per sequentes: primò, dum quis Sponsorum ratione aliquis gravis delicti infamatur, Castrop. num. 7. Sanch. d. 57. n. 2. secundò, dum Sponsus deprehenditur deditus scortationibus, ebrietati

ebrietati aliive simili vicio; quia probrosum est tam ducere, & infelices exitus ex tali matrimonio timeri possunt. Castrop. l.c. Sanch. d. 63. in fine. Pont. l.c. c. 17. n. 6. Tertio, dum de novo cognoscitur Sponsi saevitia, & morum aperitas; cum haec etiam si sufficiens causa ad divortium. ad litteras de ref. spoliat. Castrop. l.c. Sanch. d. 58. n. 2. Gutt. c. 33. n. 1. Abb. in c. veniens, qui clerici vel voventes. n. 2. Quartò, dum vita graves inimicitiae inter Sponsos, solvuntur sponsalia ex utraque parte. Gutt. n. 2. Sanch. n. 3. Castrop. n. 7. Quinto, dum unius partis parents obstinatè contradicunt, unde timei possit gravis discordia inter Sponsorum parentes & consanguineos, & à fortiore inter ipsos Sponsos. Laym. l. f. sum. tr. 10. p. 1. c. 2. n. 18. Cón. l.c. dn. 8. n. 68. Castrop. l.c. qui tamen ex Sanch. l. 1. d. 14. n. 3. monet cautè in hac re procedendum, dum expejantur variæ minæ, terrores, & discordiarum pericula intentantur, quæ tamen experientia teste, ubi impetus deteravit, & matrimonium contractum, in nihilum recidunt, & animi facilè conciliantur.

*Quæst. 71. An & qualiter ex superveniente fortunarum mutatione solvantur sponsalia.*

1. Resp. primo: Ob defectum dotis promissa, solvuntur ex parte alterius sponsalia, eo quod dotis promissio sit conditio, sub qua sponsalia celebantur. Laym. l.c. n. 2. Sanch. d. 59. n. 2. Menoch. de arb. l. 2. cas. 455. n. 6. Castrop. p. 28. n. 1.

2. Resp. etiam, dum dos promissa non est, ob supervenientem Sponsa paupertatem solvuntur sponsalia. Laym. l.c. n. 18. Pont. l.c. Gutt. c. 33. n. 4. Cuchus Inst. major. iu. 10. n. 17. Sanch. l.c. n. 4. & alii, quos citat & sequitur Castrop. n. 3. contra Covar. l.c. p. 1. c. 5. n. 5. Mafcard. de prob. concl. 577. n. 2. Siquidem haec gravis est mutatio, quæ, si à principio fuisset, quenlibet prudentem à matrimonio avertisset; cum in promissione matrimonii maximè attendatur patrimonium contrahentis, ut onera matrimonii sustentari possint. Unde jam etiam deducitur, timorem justum, & probabilem ex-hæritationis esse causam sufficientem dissolvendi sponsalia. Pont. n. 8. Seraph. decis. 1258. n. 1. Castrop. l.c. n. 4.

3. Resp. tertio: Si uterque Sponsorum in paupertatem deveniat, utrique dari causam sufficientem dissolvendi sponsalia; cum apti non sint ad onera matrimonii sustinenda, neque in hoc casu sit compensationi locus. Pont. Castrop. ll. cit. citato Rebell. l. 4. de oblig. Inst. q. 8. f. 8. n. 70.

4. Resp. quarto: Si post sponsalia uni Sponsorum obveniant magnæ divitiae, quas ab initio non cogitavit, altero in suo statu permanente, per hoc non solvuntur sponsalia; cum altera pars per hoc facta non sit deterior; neque obster, quod executio Sponsalium illi facto dictior sit facta dutor ex eo, quod impediatur ab aliis Sponsalibus dictioribus contrahendis; siquidem quod hac ratione executio facta dutor, est per accidens, & sanè aliás, quæsies sponsalia offerantur, minus dictior solvi posse.

*Quæst. 72. An & qualiter sponsalia disolvenda authoritate Judicis.*

1. Resp. primo: Statte causâ certâ de Jure (qualis dicitur, dum causa in jure expressa) & de facto (qualis est, dum certum est, causam, quæ allegatur, adesse) solvendi sponsalia, nulla requiritur Judicis authoritas; cum id nullibi caveatur, & dissolvens utatur jure suo certo. Sanch. l.c. d. 69. n. 3. Gutt. c. 35. n. 4. Sylv. v. sponsalia. q. 11. Pont.

l.c. c. 18. in fine Rebell. l.c. l. 4. q. 8. f. 9. Castrop. p. 31. n. 1. Secus est, ubi non habetur saltem certitudo moralis, quæ ex fama, testibus, experientia habetur, apraque est virum prudentem movere ad judicium, ne dum causa est dubia de jure vel facto, alter privetur auctoritate privatâ jure suo certo quâsito in re gravi, adeoque ei fiat injuria. Castrop. l.c. Sanch. n. 8. Gutt. n. 7. Siquidem quoties est probabile seu prudens judicium; & periculum committendi in alterum iniquitatem, jus certum alteri licet tolli non potest, nisi in oppositum sit fundamentum prævalens contra certam ejus possessionem.

2. Resp. Per accidens tamen quandoque, ratione visitandi scandali facienda est dicta dissolutionis auctoritate Judicis. Sylv. Pont. Rebell. ll. cit. Gutt. n. 4. Sanch. n. 3. Castrop. n. 1. Et 2. dum nimirum sponsalia sunt publica, causa vero de jure & facto certa est occulta, intellige, ita ut à maiore parte viciniæ ignoretur. Quamvis etiam in aliquibus diecesibus prudenter statutum universaliter, ut sponsalia publica non nisi interpellatio Judice solvantur ut causa dissolutionis auctoritate investigetur, tum ut omnis suspicio miseri removeatur. Quam consuetudinem dicit Castrop. teste Laym. in c. 2. b. t. approbat à S. Thom. in 4. dist. 27. q. 2. a. 3.

*Quæst. 73. Quid igitur faciendum, ubi sponsalia publica, & causa certa est secreta; que sine diffamatione partis propalari non potest.*

Resp. Monere debes partem, & comminari publicationem defectus, eaque non acquiescentem, potest defectum occultum deferre ad Judicem; cum delatio illa (intellige, etiam cum facta infamatio partis alterius in judicio) sit juris tui defensio. Castro. n. 4. Laym. l.c. p. 2. n. 12. Pont. l.c. n. 8. Sanch. l. 1. d. 70. n. 2. Quod si etiam defectus, v.g. crimen ita occultum est, ut nemini alteri notum sit, vel esto, alteri sit notum, is tamen nolit testari (ad quod tenetur; ut jūs, quod habes resilendi, obtineas. Sanch. Castrop. ll. cit. Cönnick. d. 23. dn. 11. nn. 93. ) adeoque in judicio probari nequit, potius propriâ auctoritate dissolvere potes sponsalia publica (intellige, etiam non attento periculo scandali, quod forte per accidens inde eventurum timetur) quia jam cessat obligatio interpellandi Judicem; cum sit frustanea ob defectum probationis, quin & tibi perniciose esse posset, dum ob defectum probacionis cogi posses state sponsalibus, quibus non teneatis. Laym. l.c. c. 2. n. 12. Sanch. l.c. n. 7. Castrop. l.c. Ac demum, si à Judge in hoc casu compellaris ad standum sponsalibus; cum haec compulsione in re sit justa, fallæque præsumptioni innitatur in foro conscientiae obligatum non esse patere, sed mediis omnibus te subterfugere posse mandatum, ait Castrop. Porro in causa dissolutionis sponsalium Judicem esse ecclesiasticum ordinarium, vel delegatum, non tamen Patochum, utpote qui in foro externo jurisdictionem non haber, ait Castrop. n. 4. in fine. cum Sanch. l.c. n. 10. Gutt. c. 35. in fine.

*Quæst. 74. Qualis probatio requiratur, ut Judge Ecclesiasticus dissolutionem sponsalium concedat, ubi nimirum ejus auctoritas ad hanc dissolutionem requiritur.*

1. Resp. primo: Dum uterque contrahentium testatur adesse causam dissolvendi sponsalia, reæ, & facilè sine magna inquisitione ulteriore Judge pronunciare poterit pro dissolutione, eo quod licet